

ქალაქ ბათუმის მუნიციპალიტეტის საკრებულოს  
დადგენილება №

2026 წლის \_\_\_\_\_ აპრილი; ქ. ბათუმი;

„ბათუმის ბუღვარის დაცვისა და განვითარების (განაშენიანების) გეგმის დამტკიცების შესახებ“ ქალაქ ბათუმის მუნიციპალიტეტის საკრებულოს 2022 წლის 22 აგვისტოს №18 დადგენილებაში ცვლილების შეტანის შესახებ

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქალაქ ბათუმის მუნიციპალიტეტის საკრებულო ადგენს:

**მუხლი 1**

„ბათუმის ბუღვარის დაცვისა და განვითარების (განაშენიანების) გეგმის დამტკიცების შესახებ“ ქალაქ ბათუმის მუნიციპალიტეტის საკრებულოს 2022 წლის 22 აგვისტოს №18 დადგენილებაში (საქართველოს საკანონმდებლო მაცნე, [www.matsne.gov.ge](http://www.matsne.gov.ge), 24/08/2022, სარეგისტრაციო კოდი: 010250050.35.132.016553) შეტანილი იქნას ცვლილება და დადგენილების დანართი ჩამოყალიბდეს ამ დადგენილებაზე თანდართული რედაქციით.

**მუხლი 2**

დადგენილება ამოქმედდეს გამოქვეყნებისთანავე.

ქალაქ ბათუმის მუნიციპალიტეტის  
საკრებულოს თავმჯდომარე

ივანე მაისურაძე

**განმარტებითი ბარათი  
პროექტის სახელწოდება და სათაური**

**„ბათუმის ბულვარის დაცვისა და განვითარების (განაშენიანების) გეგმის დამტკიცების შესახებ“ ქალაქ ბათუმის მუნიციპალიტეტის საკრებულოს 2022 წლის 22 აგვისტოს №18 დადგენილებაში ცვლილების შეტანის შესახებ“ ქალაქ ბათუმის მუნიციპალიტეტის საკრებულოს დადგენილების პროექტი**

**ა) ზოგადი ინფორმაცია პროექტის შესახებ:**

**ა.ა) პროექტის მიღების მიზეზი და მიზანი:**

წინამდებარე დადგენილების მიზანს წარმოადგენს „ბათუმის ბულვარის დაცვისა და განვითარების (განაშენიანების) გეგმის დამტკიცების შესახებ“ ქალაქ ბათუმის მუნიციპალიტეტის საკრებულოს 2022 წლის 22 აგვისტოს №18 დადგენილებაში ცვლილების შეტანა, კერძოდ:

- ცვლილებების შედეგად კაფე „ტყუპები“ ნაცვლად რეკონსტრუქციას დაქვემდებარებული არსებული ობიექტისა განისაზღვრება დემონტაჟს დაქვემდებარებულ შენობად;

- ცვლილების შედეგად კაფეების, როგორც მასშტაბით და ადგილმდებარეობით შეუსაბამო ობიექტის ნაცვლად გათვალისწინებულია შადრევნის და სარეკრეაციო სივრცის მოწყობა;

- ცვლილებიდან გამომდინარე არსებული და საპროექტო ობიექტების ადგილმდებარეობის გეგმიდან ხორციელდება კაფე „ტყუპები“ შენობების ამოღება და სანაცვლოდ დაიტანება წყლის სარკე (ზედაპირი);

- ქალაქ ბათუმის ბულვარის დაცვისა და განვითარების (განაშენიანების) გეგმის ტექსტური ნაწილიდან ხორციელდება 6.01 და 6.02 კაფეების ამოღება;

- ცვლილებები შედის ბათუმის ბულვარის დაცვისა და განვითარების (განაშენიანების) გეგმის შემდეგ დანართებში: 1.2.2 ტექსტურ ნაწილში, 1.2.1-1 გენერალურ გეგმაში; 1.2.1-12 შეუსაბამო ობიექტების რუკაში; 1.2.1-10 არსებულ ობიექტებზე რეკომენდაციების ჩასატარებელ დანართში; 1.2.1-7 - არსებული და საპროექტო ობიექტების ადგილმდებარეობის გეგმაში.

**ა.ბ) პროექტის ძირითადი არსი:**

„ბათუმის ბულვარის დაცვისა და განვითარების (განაშენიანების) გეგმის დამტკიცების შესახებ“ ქალაქ ბათუმის მუნიციპალიტეტის საკრებულოს 2022 წლის 22 აგვისტოს №18 დადგენილებაში ცვლილების შეტანა.

**ბ) პროექტის ფინანსური დასაბუთება:**

**ბ.ა) დადგენილების პროექტის მიღებასთან დაკავშირებით აუცილებელი ხარჯების დაფინანსების წყარო:** პროექტის განხორციელება არ მოახდენს გავლენას ბიუჯეტის ხარჯვით ნაწილზე;

**ბ.ბ) პროექტის გავლენა ბიუჯეტის საშემოსავლო და ხარჯვით ნაწილზე:** პროექტის განხორციელება არ მოახდენს გავლენას ბიუჯეტის ხარჯვით ნაწილზე;

**გ) პროექტის შესაბამისობა უპირატესი იურიდიული ძალის მქონე ნორმატიულ აქტებთან:**

დადგენილების პროექტი შესაბამისობაშია უპირატესი იურიდიული ძალის მქონე ნორმატიულ აქტებთან.

დ) პროექტის მომზადების პროცესში მიღებული კონსულტაციები, სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, სპეციალისტები, რომლებმაც მონაწილეობა მიიღეს პროექტის შემუშავებაში და მათი შეფასება პროექტის მიმართ (ასეთის არსებობის შემთხვევაში):

პროექტის მომზადების პროცესში კონსულტაციების არ მიღებულა

ე) პროექტის ავტორი:

ქალაქ ბათუმის მუნიციპალიტეტის მერიის ქალაქგანვითარებისა და ურბანული პოლიტიკის სამსახური.

ვ) პროექტის ინიციატორი:

ქალაქ ბათუმის მუნიციპალიტეტის მერი.

ზ) განმარტებითი ბარათის მომზადებაზე უფლებამოსილი პირის თანამდებობა, სახელი, გვარი და ხელმოწერა:

ქალაქ ბათუმის მუნიციპალიტეტის მერიის  
ქალაქგანვითარებისა და ურბანული  
პოლიტიკის სამსახურის უფროსის

არჩილ გირკელიძე